

Տեղեկատու դիմորդների համար – 2023

Դիմորդները գրանցում կանցնեն միայն առցանց ռեժիմով (համացանցով) Գնահատման և քննությունների Ազգային կենտրոնի գրանցման կայք-էջի վրա 2023 թվականի **մարտի 2-ի ժամը 10:00-ից մինչև 2023 թվականի ապրիլի 3-ի ժամը 18:00 (online.naec.ge)**:

Այդ ժամանակաշրջանում դիմորդը պետք է լրացնի անձնական տվյալները, ընտրի քննական կենտրոնի վայրը (քաղաքը) և հանձնելիք առարկաները: Գրանցման հիմնական փուլի ժամկետը լրանալուց հետո (ապրիլի 3, 18:00) դիմորդները Ազգային միասնական քննություններին մասնակցության գրանցում չեն կարող անցնել:

2023 թվականի ապրիլի 3-ի ժամը 18:00-ից հետո դիմորդն իրավունք չունի գրանցման դիմումի մեջ փոխել քննական կենտրոնի վայրը (քաղաքը), թեև կենտրոնը վերապահում է իրավունք՝ անհրաժեշտության դեպքում վերաբաշխել դիմորդներին նաև այլ քաղաքներ: Այդ մասին տեղեկատվությունը մատնանշված կլինի դիմորդի քննական քարտի վրա:

Դիմորդը գրանցման երկրորդ փուլում՝ մինչև 2023 թվականի ապրիլի 13-ի ժամը 18:00, կարող է փոփոխել հանձնելիք առարկան (ջնջել, ավելացնել), փոխել քննության լեզուն կամ ընտրել մրցույթ (ստեղծագործական փուլ). օրինակ, եթե դիմորդն ընտրել էր մաթեմատիկա, բայց որոշեց հանձնել պատմություն: Այս ժամանակաշրջանում հնարավոր կլինի փոփոխել ինչպես հանձնելիք առարկան, այնպես էլ քննության լեզուն: Ապրիլի 13-ի ժամը 18:00-ից հետո հանձնելիք առարկաների թվարկացանկում դիմորդը փոփոխություն չի կարող մտցնել:

Ինչ վերաբերում է կրթական ծրագրերի թվարկությանը, գրանցման հայտում կրթական ծրագրերը նշելու և փոխելու հնարավորություն դիմորդները կունենան Ազգային միասնական քննությունների թեստի գնահատման կապակցությամբ բողոքարկման հայտի վերաբերյալ բոլոր առարկայական հանձնաժողովների կողմից ընդունված որոշումների հրապարակումից մինչև հաջորդ օրվա ժամը 18:00 ներառյալ: Կոնկրետ ամսաթիվը կհրապարակվի կենտրոնի կայք-էջի վրա:

Գրանցումը հաջողությամբ ավարտելու դեպքում դիմորդի գրանցման էջի վրա կհայտնվեն նրա կողմից լրացված տվյալները (առարկաների թվարկացանկը, քննական կենտրոնի վայրը (քաղաքը) և ընտրած կրթական ծրագրերը), ինչպես նաև գրանցման ժամանակ նշված բջջային հեռախոսահամարի վրա կստանա հնգանիշ կոդ կարճ տեքստային հաղորդագրությամբ (sms):

Գրանցումը հաստատող վերջնական փաստաթուղթն անհրաժեշտ է տպել/պահել, որովհետև առանց այս փաստաթուղթը ներկայացնելու՝ գրանցման կամ գրանցման տվյալների փոփոխության կապակցությամբ բողոքը կենտրոնի կողմից չի ընդունվի:

Մի՛ վստահեք նշանաբառը (պարուլը՝ հնգանիշ կոդը) ուրիշին: Միայն դուք եք պատասխանատու գրանցման հայտում նշված տվյալների ճշգրտության և դրանցում հետագայում մտցված փոփոխությունների համար:

Ինչպե՞ս պետք է անցնել գրանցում – մանրամասն հրահանգ

1. Դիմորդը գրանցման համար պետք է վճարի քննություններին մասնակցության վարձ (վճարման ձևերը նկարագրված են ստորև):

2. Դիմորդը համացանցով գրանցում անցնում է կայք էջի վրա. www.naec.ge կամ online.naec.ge:

3. Մատնանշված հասցե մուտք գործելուց հետո դիմորդը հատուկ դաշտում գրում է անձնական համարը, հավաքում է տրված խորհրդանշանները և սեղմում է շարունակելու կոճակը: Այնուհետև ստուգում է անձնական համարը և շարունակում է գրանցման գործընթացը:

Եթե անձնական տեղեկատվությունը լրացնելիս՝ դիմորդը համապատասխան դաշտում գրառում է բջջային հեռախոսի համարը, համակարգ մտնելու համար նա անհրաժեշտ նշանաբառը (պարուլը) կարող է վերականգնել մատնանշված հեռախոսահամարի վրա կարճ տեքստային ծանուցմամբ: Բջջային հեռախոսի համարը պետք է գրառել առանց կոդի և առանց դատարկ տեղեր թողնելու (օր. 595XXXXX):

Եթե քննության ժամանակ դիմորդի համար անհրաժեշտ է ստեղծել հատուկ պայմաններ/յուրահատուկ քննական միջավայր, վերջինս այդ մասին պետք է նշի համապատասխան սյունակում, և առողջական վիճակի մասին ներկայացնի համապատասխան տեղեկանք (Ձև №100) Գնահատման և քննությունների Ազգային կենտրոն կամ ուղարկի կրթական ռեսուրս-կենտրոնից:

Վրաց լեզվից նախապատրաստության կրթական ծրագիրն ընտրելիս՝ դիմորդը ուշադրություն պետք է դարձնի ընդհանուր ունակության քննության լեզվին:

Անհրաժեշտ դաշտերը լրացնելուց և հանձնելիք առարկաների թվարկացանկը մատնացույց անելուց հետո դիմորդը սեղմում է պահոցի կոճակը, որից հետո էկրանի վրա հայտնվում է հաղորդագրություն այն մասին, որ ինքը հաջողությամբ անցավ գրանցում:

Ազգային միասնական քննությանը մասնակցության վարձի վճարման նշանակության սյունակում Վրաստանի քաղաքացին նշում է դիմորդի ազգանունը,

անունը և անձնական համարը: Օտար երկրի քաղաքացին, նաև երկակի քաղաքացիություն ունեցող անձը, որը ցանկանում է գրանցում անցնել որպես օտար երկրի քաղաքացի, նշում է դիմորդի ազգանունը, անունը, Ինքնության (կեցության) վկայականի/անձնագրի սերիան և համարը (անձնագրի սերիայի բոլոր խորհրդանշանները, լինի դա թվանշաններ, թե տառեր, լրացվում են իրար ետևից, առանց բացատ` տարածք թողնելու):

Մեկ առարկայից քննություն հանձնելու վարձը 10 լարի է: Այն վճարել կարող է ինչպես դիմորդը, այնպես էլ այլ անձ, որը վճարելիս (նշանակությունում) մատնացույց է անում դիմորդի համապատասխան տվյալները:

Վճարման հնարավոր միջոցներ և բանկային սպասարկման կոմիսիոն վճար.

- «Սաքարթվելոս բանկի» սերվիս կենտրոններով – վարձին ավելանում է սպասարկման կոմիսիոն վճար 0,5 լարի,
- «Սաքարթվելոս բանկի» ինքնասպասարկման տերմինալով – վարձին ավելանում է սպասարկման կոմիսիոն վճար 0,5 լարի,
- «Սաքարթվելոս բանկի» ինտեռնետբանկինգի միջոցով - ibank.ge –վարձին ավելանում է սպասարկման կոմիսիոն վճար 1 լարի,
- Կենտրոնի կայք-էջից – վարձին ավելանում է սպասարկման կոմիսիոն վճար 0,5 լարի:

Գրանցման հրահանգի տեսահոլովակը դիտել հնարավոր է կայք-էջի վրա. www.naec.ge

Եթե դուք լրիվ միջնակարգ կրթությունը հաստատող փաստաթուղթ ստացել եք մինչև 2011 թվականը, ապա մինչև 2023 թվականի հունիսի 20-ը ներառյալ գնահատման և քննությունների Ազգային կենտրոն պետք է ներկայացնեք լրիվ միջնակարգ կրթությունը հաստատող փաստաթղթի պատճեն, իսկ տարածաշրջաններում փաստաթուղթը կարող եք ներկայացնել կրթական ռեսուրս կենտրոններ, որոնք հետագայում ապահովում են դիմումների առաքումը կենտրոն` կառավարման միասնական ավտոմատ համակարգի (eflow) կիրառմամբ:

Կենտրոնը վերապահում է հնարավորություն` դիմորդի կողմից լրիվ միջնակարգ կրթություն ստանալու մասին տեղեկատվությունը չհայտնաբերելու դեպքում, դիմորդից պահանջել ատեստատի պատճեն ներկայացնել կենտրոն: Նման դեպքում դիմորդի քննական քարտի վրա փոխադրված կլինի պահանջ ատեստատը կենտրոն ներկայացնելու վերաբերյալ: Այսպիսով, դիմորդը ատեստատը կենտրոն

ներկայացնելու պարտավորություն ունի միայն այն դեպքում, եթե նրա քննական քարտի վրա նշված է այդ մասին:

Նույն ժամկետում (2023 թվականի հունիսի 20-ը ներառյալ) պետք է ներկայացնեն լրիվ միջնակարգ կրթությունը ճանաչելու փաստաթուղթ՝

- դիմորդները, ովքեր լրիվ միջնակարգ կրթություն ստացել են բռնագրավված տարածքում,
- դիմորդները, ովքեր ունեն Վրաստանում իրականացված, արտասահմանում ճանաչված ընդհանուր կրթական ծրագիրը հաղթահարելու արդյունքում տրված կրթությունը հաստատող փաստաթուղթ (որը հավասարեցված է լրիվ միջնակարգ կրթությունը հաստատող փաստաթղթին և տալիս է կրթության հաջորդ աստիճանին ուսումը շարունակելու իրավունք), **2023 թվականի հունիսի 20-ը ներառյալ** պետք է ներկայացնեն կրթության որակի զարգացման Ազգային կենտրոնի կողմից տրված տեղեկանք, որով հաստատվում է նրանց կողմից ավարտած, արտասահմանում ճանաչված ընդհանուր կրթական ծրագիրը Վրաստանում իրականացնելու հնարավորությունը:

Դիմորդները, ովքեր լրիվ միջնակարգ կրթություն ստացել են օտար երկրում, համապատասխան կրթությունը ճանաչելու փաստաթուղթը պետք է ներկայացնեն գնահատման և քննությունների Ազգային կենտրոն մինչև 2023 թվականի օգոստոսի 20-ը ներառյալ: Երկքաղաքացիություն ունեցող անձը, ով միասնական Ազգային քննության գրանցում կանցնի որպես օտար երկրի քաղաքացի, պարտավոր է մինչև 2023 թվականի հունիսի 20-ը ներառյալ, գնահատման և քննությունների Ազգային կենտրոն ներկայացնել Անձը հաստատող համապատասխան փաստաթուղթ:

Դիմորդները քննական կենտրոն պետք է ներկայանան Անձը հաստատող փաստաթղթով և քննական քարտով: Քննական քարտերի էլեկտրոնային տարբերակները նրանք կարող են տպել ցանկացած հասանելի համակարգչի անձնական գրանցման էջից (էջ, որտեղ դիմորդը ընտրում է քննությունները, կրթական ծրագրերը, տեսնում է արդյունքները):

Արդյունքներին իրազեկվելու համար պահեք կամ հիշեք ձեր ինքնության կոդը:

2023 թվականին քննական կենտրոններ կբացվեն՝ Բաթումիում, Ջուզդիդիում, Քուրթախիում, Փոթիում, Ախալցխիում, Գորիում, Օզուրգեթիում, Թբիլիսիում,

Ռուսթավիում, Թելավիում, Խուլոյում և Ամբրուլաուրիում:

Վրաց լեզվի նախապատրաստության կրթական ծրագիր

Վրաց լեզվից նախապատրաստության կրթական ծրագրերին հանձնել կարող են միայն Վրաստանի քաղաքացիները: Դիմորդներին, ովքեր կգրանցվեն այս կամ այն բարձրագույն ուսումնական հաստատության վրաց լեզվից նախապատրաստության կրթական ծրագրով սահմանված տեղերի համար, հարկ կլինի հանձնել ընդհանուր ունակություններից քննություն հայերեն կամ ադրբեջաներեն, կամ արխազական լեզու կամ օսական լեզու: Այս դիմորդներն ուսումը շարունակելու իրավունք ձեռք կբերեն վրաց լեզվից նախապատրաստության կրթական ծրագրով, որտեղ ուսումնառությունը շարունակվում է մեկ տարի (60 կրեդիտ): Այս ծրագիրն ավարտելուց և համապատասխան վկայագիր ստանալուց հետո, ուսանողներն առանց հավելյալ քննություն հանձնելու, իրենց ընտրությանը համապատասխան, ուսումը կշարունակեն նույն բարձրագույն ուսումնական հաստատության բակալավրիատի (4 տարի՝ 240 կրեդիտ), դիպլոմավոր ատամնաբույժի (5 տարի՝ 300 կրեդիտ), դիպլոմավոր բուժակի (6 տարի՝ 360 կրեդիտ), ուսուցչի պատրաստման ինտեգրված բակալավրային-մագիստրային կամ անասնաբուժության ինտեգրված մագիստրային կրթական ծրագրով (5 տարի՝ 300 կրեդիտ): Վրաց լեզվից նախապատրաստության ծրագրով ձեռք բերած պետական ուսումնական դրամաշնորհը անցնում է հետևյալ փուլի ֆինանսավորման համար:

Ինչպե՞ս է տրվում պետական ուսումնական դրամաշնորհ վրաց լեզվից նախապատրաստության կրթական ծրագրերի համար:

Պետական ֆինանսավորում (100%-ի չափով) տրվում է հատուկ կամ կրթական ծրագրերին հատկացված գումարի սահմաններում, ընդհանուր ունակությունների ադրբեջանական կամ հայոց լեզուներով թեստի կամ արխազական լեզվի կամ օսական լեզվի քննության արդյունքի հիման վրա: Վարկանշային ցուցակը, քննության լեզվի համաձայն, կազմվում է ընդհանուր ունակությունների/արխազական լեզվի/օսական լեզվի արդյունքի հիման վրա (օրինակ՝ նրանց համար, ովքեր հանձնել են ընդհանուր ունակությունների հայերեն թեստը, կազմվում է առանձին վարկանշային ցուցակ: Համանմանորեն կազմվում է ցուցակ նրանց համար, ովքեր հանձնել են ընդհանուր ունակությունների թեստը ադրբեջաներեն, և առանձին-առանձին նրանց համար, ովքեր հանձնել են արխազական կամ օսական լեզուներ):

Գնահատման և քննությունների Ազգային կենտրոնը մաղթում է հաջողություն: